

**ZAPISNIK  
SA XXXII PROŠIRENE ONLINE SJEDNICE UPRAVNOG ODBORA  
UDRUŽENJA POSLODAVACA FBIH**

**održane dana 08.07.2022. godine (petak), sa početkom u 10:00 sati putem ZOOM aplikacije**

**Sjednici su prisustvovali članovi Upravnog odbora UPFBiH:** Adnan Smailbegović, Safudin Čengić, Snježana Kopruner, Suhad Ećo, Nijaz Skenderagić, Nurdin Peštalić i Jadranka Penava.

**Sjednici su po ovlaštenju članova Upravnog odbora UPFBiH prisustvovali:** Josip Milas (po ovlaštenju Ivana Ljubić), Esad Pelidija (po ovlaštenju Rusmira Hrvica), Nihad Begić (po ovlaštenju Stjepana Kumrića), Zdravko Markov (po ovlaštenju Želimira Čambersa), Adnan Sirovica (po ovlaštenju Adise Karahodžić) i Harun Čizmo (po ovlaštenju Kemala Čolaka).

**Sjednici nisu prisustvovali članovi Upravnog odbora UPFBiH:** Krasnodar Petrović, Vilim Primorac, Ante Suton, Ramiz Grapkić, Šejla Bojadžija, Eldin Hadžiselimović i Admir Suljević, koji su svoje odsustvo opravdali.

**Sjednici su pored članova UO prisustvovali i:** Mario Nenadić, Edin Ibrahimpašić, Salem Ekmešić, Muhamed Pilav, Amela Hrbat, Eduard Jahjaefendić, Nihad Imširović, Salih Lemeš Muhamed Žero, Dženita Jahić i Senada Merdžanović.

**Ispred UP FBIH:** Mladen Pandurević i Jasmina Kurspahić.

Sjednicu je otvorio predsjednik Adnan Smailbegović i predložio slijedeći:

**DNEVNI RED**

1. Usvajanje Zapisnika sa 31. sjednice Upravnog odbora UP FBiH;
2. Position paper "Šta poslodavci očekuju od vlasti";
3. Informacija o aktivnostima vezanim za utvrđivanje minimalne plaće;
4. Tekuća pitanja.

**Dnevni red je usvojen jednoglasno.**

## **RASPRAVLJANJE PO TAČKAMA DNEVNOG REDA:**

### **Tačka 1. Usvajanje zapisnika sa 31. sjednice Upravnog odbora UP FBiH**

Predsjednik je obavijestio članove UO UP FBiH da su dobili materijale za sve tačke Dnevnog reda uključujući i zapisnik i zamolio da se izjasne da li imaju primjedbi. Također je napomenuo da je zapisnik dostavljen odmah nakon održavanja sjednice svim članovima UO i da na pomenuti zapisnik nije bilo pismenih primjedbi.

**A.D.1.1: Zapisnik sa 31. sjednice Upravnog odbora UP FBiH UP FBiH je jednoglasno usvojen.**

### **Tačka 2. Position paper "Šta poslodavci očekuju od vlasti"**

Vezano za ovu tačku Dnevnog reda direktor Mladen Pandurević je obavijestio prisutne da su dobili materijal za ovu tačku Dnevnog reda. Praksa Udruženja poslodavaca FBiH je da prije izbora pripremi dokument „Šta poslodavci očekuju od vlasti“ i uputi svim strankama. Ukratko je prezentirao dokument u kojem su opisani ključni orijentiri politike, pregled temeljnih preporuka razvojne politike FBiH te inicijative za poboljšanje poslovnog ambijenta.

Otvorena je diskusija u kojoj su učestvovali Safudin Čengić, Suad Ećo, Salih Lemeš, Mario Nenadić, Snježana Kopruner, Nihad Imširović, Senada Merdžanović, Salem Ekmešćić, Nijaz Skenderagić, Muhamed Žero, Muhamed Pilav i Nurdin Peštalić. Svi su mišljenja da je dokument jako dobro urađen i da predstavlja dobru osnovu za rješenje konkretnih problema. Rečeno je da bi u dokumentu trebalo istaknuti par glavnih i najvažnijih aktivnosti na kojima bi se trebalo početi raditi odmah i koje bi trebale da se završe u roku od tri mjeseca. Također, treba razmotriti mogućnost da se ciljevi podijele na kratkoročne, srednjoročne i dugoročne, kao i da se radi na zakazivanju sastanaka da poslanicima i delegatima u Parlamentu kako bi im se prezentovao materijal, odredili rokovi za izvršenje i vodila evidencija ko je podržao naše prijedloge, a ko ne. Ujedno bi se trebalo kroz sredstva informiranja ukazati na značaj Udruženja, da ljudi na ispravan način shvate naše zahtjeve i da su zahtjevi poslodavaca od općedruštvenog interesa, a ne samo u interesu poslodavaca. U dokument bi se trebalo dodati i da je neophodna reforma obrazovanja, jer kadar koji završava i dolazi kod poslodavca nije spreman za tržište rada.

Nakon diskusije donesen je sljedeći zaključak:

**A.D.2.1. Sve primjedbe i komentare na dokument „Šta poslodavci očekuju od vlasti“ mogu se dostaviti pismeno na adresu UPFBiH u narednih sedam dana, odnosno do petka 15.07.2022. godine.**

Nakon što se sačini finalna verzija dokumenta, isti će biti dostavljen svim političkim strankama koje će učestvovati na predstojećim izborima, uz zahtjev da podrže prijedloge Udruženja poslodavaca FBiH, a s ciljem cilj rasterećenja privrede, povećanja razvoja i investicija, unapređenja poslovnog ambijenta, povećanja zaposlenosti, pojednostavljivanja administrativnih procedura, te ukidanje diskriminacije privatnih spram javnih kompanija.

### **Tačka 3. Informacija o aktivnostima vezanim za utvrđivanje minimalne plaće**

Direktor Mladen Pandurević informisao je prisutne o aktivnostima koju su poduzimane u proteklom periodu u vezi sa pritiskom sindikata da se poveća minimalna plaća. UP FBiH je predložilo i Vladi FBiH dostavilo prijedlog Zakona o najnižem primanju koji je podržan od strane Vlade FBiH, ali je Federalno ministarstvo finansija upotpunosti promijenilo naš prijedlog. Za sada su aktivnosti za povećanje minimalne plaće zaustavljene, a UPFBiH će i u narednom periodu aktivno zajednički raditi sa Vladom i Sindikatom kako bi se pronašlo što bolje i kvalitetnije rješenje kako za radnike, tako i za poslodavce.

Nakon diskusije donesen je sljedeći zaključak:

**A.D.3.1. Članice su informaciju primile k znanju, te je isteknuto da će Udruženje nastaviti sa insistiranjem na smanjenju stopa doprinosa i poreza jer je to jedini realan način za povećanje plaća.**

### **Tačka 4. Tekuća pitanja**

Pod tekućim pitanjima raspravljalo se o:

- Uredbi o programu pomoći kategorijama stanovništva koje su posebno pogođene inflacijom.

Predsjednik Adnan Smailbegović je upoznao prisutne da je Uredbu o programu pomoći kategorijama stanovništva koje su posebno pogođene inflacijom usvojila Vlada FBiH na sjednici održanoj 07.07.2022. godine a ista, između ostalog, daje mogućnost da poslodavci isplate jednokratnu pomoć radnicima u Federaciji BiH bez plaćanja poreza i doprinosa. Istakao

je da ovo nije stvarna i realna pomoć radnicima te da je bilo puno boljih rješenja, ali da se Vlada FBiH nije konsultovala sa socijalnim partnerima.

Prisutni su u diskusiji naveli da su Uredbom dovedene u nepovoljan položaj kompanije koje nisu u mogućnosti isplatiti ovu vrstu pomoći.

Nakon diskusije donesen je sljedeći zaključak:

**A.D. 4.1. Udruženje će svoj stav iznijeti putem saopćenja za javnost u kojem će se navesti da je Uredba trebala da se donese nakon konsultacija na sjednici Ekonomsko-socijalnog vijeća i da bi trebalo da se propiše mogućnost sukcesivnog plaćanja finansijske pomoć, u skladu sa mogućnostima poslodavca.**

Sjednica je završena u 12:00 sati.

Zapisnik sačinila:  
Jasmina Kurspahić, pravnik

PREDSJEDNIK UPRAVNOG ODBORA  
Adnan Smailbegović